

秋水閣詩集

秋水閣詩集卷三

雲夢許兆

同邑程懷

古近體

平緬凱歌

羽林天策動靈臺丞相行營玉帳開從此南人真不反
親看五月渡瀘來

靈旗太乙指朱方兩路王師出永昌花面洞蠻齊翦草
椎頭獠女自供糧

旗鼓親行大合圍捷書三奏振

天威將軍萬里驚心膽曾破樓蘭百戰歸

經畧傅公乾隆己巳歲平

金川

蠻

半捲紅旂出綠營好生

帝德赦餘生一時瘴雨蠻煙外春色平傳阿瓦城

赤塞飛烽一鼓收萬方送喜頌

王猷元和天子空言聖百道連兵下蔡州

銅壁關過鐵壁關諸君齊唱大刀鐃九龍江水金沙月

好送旌旗萬里閒

飲至歸來及早春 尙方賜服點征塵 紫光閣外齊

回首五十功臣第一人

御製功臣贊公居第一

登太白樓

白兆山仍在桃花水自流春風吹客意獨上郡西樓

白兆山尋李白讀書處

名山如幽人相招興不惡飄然蒼翠來冉冉度林薄我行無遠近小徑得畧約石瀨驚鳴猿初霞媚晴壑松風爲我至一一清音作謫仙古仙人遨遊寄雲屨永懷山水趣發此讀書樂峨嵋半輪月時時入羅幕迄今桃花

巖巖存花不落大雅多流風仙才未敢託山靈笑我頑
晚烟忽漠漠逕將明月歸彈琴嘯孤鶴

憶豐臺芍藥

料峭餘寒減翻階芍藥榮不嫌風信晚初卷黛痕輕花
事春無量豐臺舊有情春明門外路相憶夢還清
自勝維揚譜由來作達名態沾紅雨麗豔拂綺霞生鎮
日車如水經年景更清待開金帶種相賞憶前盟

麥浪

宿麥初抽秀野中春晴翦翦自搖空銀塘遠合高低影

白鷺飛連上下風屋外長松濤共捲陌頭新柳浪疑通
如過畫舫齋前望始信營邱寫未工

可是秋江曉泛中四圍綠漾麥芄芄欲疑倒影連山色
始識平田幻化工春漲幾番添穀雨新波無際任梅風
烏犍歸去聞橫笛還訝滄浪有釣翁

初雪馮默齋先生招同彭孝存飲夢益軒

銀毫玉塵足風流芸館飛觴轄共投冀北馬應歸伯樂
遼東豕自愧朱浮筵前雪色清於酒海上琴情淡若秋
孝存雅善琴
高會未須驚歲晚衝寒梅意動梢頭

冬夜不寐

夢迴難問夜如何支枕頻頻遠思多聽徹汝南雞喚曉

五更風色渡黃河

家大人
計已抵豫

望陪尾山

安州南郡雄作鎮極秦甸連山從東來陪尾欲南面陰
陽開窈窕矗立吐蔥蒨我生快行脚攬秀志不厭登高
放遠懷決眚山始現遙林排春薺近岫突羣弁天風吹
空青拂袖落片片想當風雨交頃刻幻百變譬如君子
名心傾目未見相逢一笑餘盼睐有餘戀昔聞神禹功

疏鑿拯昏墊外方暨熊耳一一厘帝念茲山夙所經玉
簡封霜蔓雖無謝客屐勝讀周王傳何當恕先輩十丈
買吳絹一角圖遙情臥遊美清晏

訪安州老人故居

食蜜歌成後風流隔幾年草堂餘落日客屐踏殘烟樹
老盤雲古溪迴得地偏經過一惆悵何必問平泉

泛清發

出郭平臨古渡頭輕風自信木蘭舟人烟在樹疎將盡
山色迎波翠不流南下濤聲通漢水春時絃管按涼州

竭來詩思清如月欲翦江雲寫勝遊

江北江南總舊遊今看雲水豁雙眸爲尋古寺依漁浦
更傍垂楊間酒樓沙鳥風前真浩蕩美人天際望夷猶
湘蘭沅芷無消息采采蘋花爲少畱

十一月二十八日同李立夫先生北上別兄弟時
家大人尙畱京邸

北郭風迴欲折綿梅花影裏著行鞭登山臨水今如此
話雨聯牀舊惘然遊子自慙詩禮對高堂端賴弟兄賢
倚闌一事心堪慰直接龍門到日邊

邯鄲過盧生祠

二十年華忽漫徂。紅塵滾滾此長驅。我來初試先生枕。
笑問黃梁煮也無。
夢覺休嫌覺後遲。色空空色本無奇。再饒半枕黃梁熟。
看到蓬萊水淺時。

幻影多從假悟真。茫茫未著局中身。只愁大夢生華屋。
空費黃梁熟煮人。

夢時富貴醒時仙。問爾何因得此緣。一種童初宮下士。
勤修直待數千年。

得得騎驢一過門先生高臥且休論曉風殘月清如水
別有梅花入夢魂

邢臺道中呈李立夫先生

澄水沙河計日程峇巖鳳闕望神京春回上苑人同

到

後二日
立春

馬踏晴煙月送行北海風流傾後輩東山素

望繫蒼生好驅繡幃開鈴閣可許終童得請纓

次韻奉酬李立夫先生北行見示之作

千里關河氣鬱蒼聯鑣惠我示周行雲烟過眼皆陳迹
甘苦前途是已嘗人到燕南思郭隗馬歸冀北待孫陽

他時得遂趨庭願此座春風總不忘

過滹沱河

寒澌凍合殷輕雷策馬滹沱亦壯哉倉卒事多成大業
艱難天不負英才雁門西枕三關險雉堞南臨百堵開
塵路劬勞閒指點春光取次滿金臺

宿遂平縣

把劍風塵裏驅車日又斜長林無落葉極浦見歸鴉
暖春先到盤空飯屢加更闌看北斗指點問京華

都門秋懷寄香巖家兄

馬蹄踏盡軟塵紅舊事飄零碣石宮彈鋏情懷非上客
登臺人物有諸公十年作賦輕劉表一薦騰章負孔融
搔首憑軒南極望薊門烟樹莽秋風

東臯穉事近何如負郭村莊舊隱居候雁又驚千里別
懷人不奈五更初黃花古戍聞傳角白髮新秋想倚閭
目斷飛雲吳楚外烟波江上問雙魚

家大人有
江南之役

十年薄宦一家貧三地離懷萬里身華蓋中垣明帝座
斜陽東閣感平津且看短劍光橫斗莫信長才論過秦
昨夜西風來易水蕭蕭愁煞市中人

早年豪氣縛烏桓拔幟同登大將壇分爾清才營菽水
勝人文筆富波瀾風迴雁磧千盤勁浪疊龍門八月寬
好采芙蓉寄消息霓裳新調慰長安

旅夜同彭岵瞻先輩

橫笛動高閣空庭生暮寒相思今夜月猶作去年看別
久疎鄉夢心勞怨澧蘭行歌餘悵望北斗正闌干

秋燕用王漁洋秋柳韻

清秋楚客愴離魂紫燕猶過白社門花月春江波欲冷
夕陽樓閣夢無痕雙飛遠約滄洲路絮語寒驚橘柚村

試過廬家砧正急含愁心事不堪論

槭槭蘭皋半點霜差池憐爾度斜塘依人巧撥青簾押
感我吟添綠字箱妙舞秋風生漢殿卷衣春事憶秦王
年來金屋誰爲主漫過街西五十坊

雲羅試翦換征衣補壘將泥事總非幾日芙蓉秋色老
一番風雨故人稀高樓西北成新怨孔雀東南笑獨飛
幾許封侯生骨相乘軒萬里莫相違

天涯飄泊漫生憐舞盡疎楊萬樹烟長信花飛鶯寂寞
洞庭人去雨連綿訴將客況餘今日聽到秋聲又隔年

送爾愁消消未得塞鴻不斷斷雲邊

重陽前三日同江又曾過蕭問元雨宿梅月山房
天驕秋色作重九雨雨風風無不有城南尋秋到西郭
歸鴉點樹烟罨柳寒帷一笑狂態發埽愁無事客縛帚
壁間新句海棠媚几上披圖竹石醜筆牀茶竈餘清閒
坐令風流生座右緇塵滾滾不到面世事紛紛那挂口
况乃叢菊飛幽香隔簾作態大於手嫩黃淺紫極新豔
冷然節概老足守雖賒幽興登南山頗許清心對北牖
是時新月低窺檐青燈欲藥光吐尖把酒看菊菊亦笑

彷彿美女籠輕簾迴眸失訝雪色壁寫生忽潑米家墨
近花人影花不辭傲骨峻嶒分未得可惜花枝插滿頭
誰憐瘦影輸花色君言此致殊不惡爲我畫扇存約略
老花怪石突兀生以指造秋秋氣落豈知宋玉本傷秋
吳楚關山繫遠愁西風吹夢不得到白雁叫雨長橫洲
明朝茱萸佩佳節天涯短鬢空颼颼故園黃菊泛新酒
伍山慷慨斜陽流何堪金鉤羈快隼風沙漠漠拳霜鞢
天街夜景催急析深巷砧杵搖羅幃蘆花楓葉歌已矣
莫更文通賦遠游

移居

料理書題賸半車偶然鴻爪印泥沙心勞惜影頻支鏡
客久多遷不當家近我東風來月殿寓近山左側景撩人芳
草又天涯閉門春色垂垂足自翦蓬蒿養杏花

送鮑南浦別駕再任黔中

名棟麻城人

鳳城秋色老蓬萊玉佩聲從玉殿迴早日士元輕百里
今時黃霸喜重來夜郎舊注詩人國遠徼端求天下才
見說相如方諭蜀芙蓉江外一登臺
星軺十月指牂牁醉擁離駒一再歌笛裏梅花懷驛路

馬頭斜日踏滹沱山開銅鼓梯田碧水接瀟湘杜若多
此去衡南無過雁相思欲寄問如何

贈貴太守

名中孚湖南武陵人
後歸爲母夫人壽

入覲

隼旟熊軾來堂堂
瞳瞳闔闔開明光
吳公治行今第一
天子含笑迴青陽
縹緲封出印泥紫
朱幡青綬蔥珩璜
迎陽葵藿先眾卉
恩暉直與春暉長
公行好進蘭陵酒
伊余曾看吳山柳
趨庭聞有月旦評
覲縷到公不置口
孟家廚傳少封魚
雋尹平反無滯手
春風吹遍闔閭城
一勺滄浪飲清瀏
竭來七載江湖隔
漫披席帽長安陌

凌雲一振雛鳳聲承明重譜金蘭籍

予與長君逢此時
甲同舉進士

樂事難具論影纓鶴蓋登龍門弧南星耀泰階色碧藕
花開玉女盆西清有客值清曉引領南雲長縹緲起居
八座動恩光春到華堂覺春好綠蘿山外月初升丹砂
之井紅泉澄他年攜得添籌鶴一棹桃花過武陵

龍泉寺送錢黼堂同年假歸浙西

黃葉鳴蕭寺伊人動遠思關心千里近惜別一年遲明
月有圓夜飛鴻無盡期相看今尙爾況我獨吟時

題京山劉節婦傳

匪勉三年志從容百代名風雷昭大節

節婦沒時有風雷之異

雨

露沐殊榮不負臨艱苦如斯是死生寒泉秋薦菊太息
撫簪纓

大雪同莊際盛閔裕仲王榕軒鄒曉屏諸同年入

直

起居注館。

聯步鳴珂入寒光曉不分橋根稍見水天際欲無雲樓

閣三山畫絲綸二典文紅旗看埽雪憐爾殿前軍

雪中作

玉堂鈴索靜立馬小遲留朔雪橫關樹長風下薊州鄉
心爭雁疾寒氣出雲遙定有梅花發攜樽問隄頭

題陳秋畦虞山歸棹圖

繫得春風鴨嘴船杏花村隔碧溪烟依稀認到虞山樹
小別江南又六年

飛鳥拍拍水連空放眼春江罨畫中著我支頤連臂坐
吹將短笛過湖東

遠寺鐘聲出嶺遲長教歸興動吟思中流打槳推篷脚
直到溪山月上時

青簾白舫曉風柔不斷離情共水流到日好看吾谷樹
紛披老筆寫清秋

時秋睦將
歸虞山

泗水張成俊明府五十雙壽

龍嶂螺峯舊有名新加黃綬重專城絃歌風仰高山近
霖雨雲從泰嶽生宣室好籌前席召月華高燭後堂明
濟南名士多於薺爲繼甘棠作頌聲

香海光浮東復東層城十二俯龜蒙攜來九節仙人杖
吹遍千村太古風玉女星連華蓋碧熙春花接素秋紅
劉綱入饌魚應美好寄松醪到洛中

金天如倚松聽泉圖

我披風帽來長安如松岬強塵中眠今朝槐廳試高望
不分雪色蒙西山君家莫釐峯入天長湖萬頃秋雲前
濤頭山勢互起伏目送不盡心茫然云何棹頭不得住
直過黃鵠之浦湏河邊葛藤山色故蒼翠越王臺草空
芊綿懷古已搖落杖履何蹢躅豈知靜者心聽到松中
泉老松偃蹇態落落泉脈活潑鳴濺濺箏琶耳洗時世
俗青白眼付吾生元輕風忽到鼓天籟松耶泉耶何有
焉盤桓不語集遐想松花打帽波霏烟昔披此圖過二

年直以神會忘言詮
粵來塵面醜不妍
泉石未敢輕周旋
想君日夕足坐臥
胷懷浩渺如上堯
峯巔不爾揖雲亭
長方作松泉篇
胡爲放筆直夢東臯田

立春日集黃侍御達齋前輩宅

同集爲屠司垣先生胡侍御牧亭柯

太史馮峯蕭太史崑田李太史雲門諸前輩
羅玉聲禮部同年徐張二明府程靜齋侍衛

輕寒弄雪放春遲
作意顛春酒不辭

上苑新陰蘇草木
瀟湘清氣見鬚眉
君爲激宕堪千古
我自頽唐盡一時
歸去月華鋪馬首
并州笑煞路傍兒

寄酬安桂圃同年

桂圃在施州三月寄書九月始達予所并示新詩

北風吹雁渡江湄。紙閣蘆簾鎮日垂。對月思當尋月夜。
到家聞是別家時。千山蠻徼伊人遠。十月梅花造物私。
莫漫鄒陽愁按劍。與君鄭重保心期。

堂開具美俯晴川

具美堂爲楚中關讌之地。晴川閣其對岸也。

五十人中最

少年勝事如鴻飛。有迹清才似鵲俊。無前詩成寒食烟。
新後書到津門蟹。熟天爲報黃金臺。好在相將胡宿試。

花鞵

謂胡七助亭同年

聞笛

亦知歸日遠。不敢動鄉愁。入夜聞吹笛。當年此倚樓。如

何驚夕雁兼此急高秋任把蒲桃酌能教不涕流

柳枝詞

垂楊渺渺接通津舞斷東風十里春莫怪離愁全不綰
天涯盡是未歸人

三年別夢到長安倚遍紅樓十二欄栽得楊枝成柳樹
前番折處不須看

壽李南浦太守母吳太夫人八十

翟茀蔥珩未足誇起居八座舊傳家

太守尊人爲
西江方伯

芝庭

春麗香無敵榆塞秋清月有華上客纓影皆赤芾錦堂

人到正黃花

太夫人方迎養
晝錦堂其地也

西清南望長翹首爲進安

期棗似瓜

閣敞蓬萊望絳騶朗州遷轉又相州

九重喜動千官

顧鳳詔恩爲鶴髮籌

太守初授登州旋調常德
召見後以就近迎養特轉彰德

異數也

北闕殊榮原異數西江舊績勉新猷從知雨露深如海

長護金萱八百秋

長至後一日方碧岑蕭韶亭顏酌山莫韻亭李春

麓羅碧泉同集朱章浦齋中消寒分賦

心花

漫說心如木已灰
繽紛五色爛靈臺
粲花舌上青蓮吐
放筆胸中智藥開
氣養十年徵蒂固
香生九竅勒春回
槎枒肝肺吾將老
底解菩提樹拂埃

冰花

風緊林疎木葉乾
水晶宮外現奇觀
清光徹底如人潔
花樣憑空著手難
聽向溪頭偏有色
認從月下祇知寒
馬蹄十月滯沱道
可耐劉郎一晌看

鏡花

忽地名花到眼前豈知對照寫芳妍是香是色光明界
非有非無自在天窺處玉匳春駐影悟來水月相長圓
此中不許罡風到看透韶華當坐禪

霜花

寒空皎皎夜蒼蒼白露無聲漸作霜鴛瓦鋪紋濃入畫
疎林脫葉曉添妝月明茅店人千里秋誤蘆花水一方
試拂劍華吹不落幾回搔首立蒼茫

唐花

紫絲雲母障層層葉嫩香柔媚不勝元氣暗移春醞釀

光風全忘雪峻嶒先時巧補乾坤闕後日恩多雨露承
慚愧煎茶陶學士名花出窖傍書燈

雪花

天然幻作玉玲瓏六出飛飛片片工可待鏤冰成妙手
笑他逞豔倚春風黏來梅蘂香兼影開遍瑤林色是空
多少農田望秋實莫嫌寒徹玉堂中

出都

行裝慘著白衣冠風色蕭蕭樹影寒萬種心期終此日
六年浪迹悔長安牽裾苦憶連宵語返哺誰知一日難

望斷飛雲空灑淚天心何事黑漫漫

半生骯髒總由天至此空囊信慘然藥裹謀歸當沒後
平安書到誤春前寢中搔首身如寄夢裏傷心語不全
此去西陵三十驛倚門望已隔黃泉

舟中酬召村弟

衰柳依依漢水潯危檣南下氣蕭森人來絕塞三秋過
事到中年百慮深薄祿虛霜悲子職長途久滯繫親心
寥天旅雁何多事又送嗷嗷入夜音

襄陽雨泊

乍覺鄉音接從知歲月侵橫風鳴暗雨倦客折秋心浪
合空江滿燈藏曲浦深相看先墮淚峴首莫登臨

阻雨和召村弟

積氣昏林薄天風散不開停舟仍小市及雨且深杯木
落層巖出江空急浪堆迤邐吾輩事莫更歎遲回

泛漢水

波漲連沙澗峰遙接樹長飽帆輕漢水秋氣澹斜陽宿
鷺避人急寒花對客芳買山錢不就空羨水雲鄉

漢江舟中和召村弟

五湖泛宅計猶賒擊楫今登漢上槎世味漸諳知老大
鄉園欲近問桑麻隔村樹杪馳帆影逼水堤根動浪花
無限心情同著眼可堪倚棹聽慈鴉

過潛江和召村弟

昨汝爲流徵歌從郢水西天風吹不散山月叫俱低及
此增寥廓孤懷豁懽悽天門青一髮招鶴試重題

放船

水力滔滔去風威細細平餘霞深日色快槩劃江聲舟
小寬僮僕詩成憶友生白鷗真浩蕩到眼極分明

水驛程難定，濡遲日不同。
古歡尋筆墨，俗態薄雞蟲。
人去秋雲外，烟生遠樹中。
無端吹畫角，蕭瑟一推蓬。

曉過漢江

秋樹帶晨光，江城澹空影。
宿雲倦不飛，蔚然滿山嶺。
孤舟帆風去，天清資水景。
洞庭浮數峰，縹緲非人境。
涉世旣蓬累，中流猶斷梗。
顧謂探勝徒，何如急朝請。

和楊在之白桃花六首

植近蝸廬淡蕩人，肯教白眼玷紅塵。
全銷雪虐風饕憾，別有雲階月地春。
玉手折來光自照，晶簾隔處望難真。

從知粗俗漫山態未是清華第一身
寒食花時暢好天澹妝新抹鬬嬋娟曉風欲墮春無語
華月初流玉有煙幾許深情全乞爾不堪短鬢半蕭然
連朝頗怪顏唐甚醉把花枝壓帽偏

鐵笛吹殘二月梅又傳芳信費詩才瑤華自壓三千品
珍重剛催一半開金谷春探新雨後瑤池種帶白雲來
黃蜂紫蝶喧闐慣莫遣飛飛近碧苔

芳園永夜倒金尊樹樹風流不可論仙李根盤嬌共倚
天台人去別成村斜臨淺水清無影開遍春風不記痕

笑我冰壺曾滌筆長吟空對月黃昏

碧玉闌干十二尋層層相護惜春陰窺檐解識人顰笑
炫夜分明露淺深雅擅風流傾世眼可無標格見清心
饒他千樹元都觀未信劉郎漫賞音

姑射仙人冰雪膚前身蓬島見來無畱將明月三分住
透出芳心一寸殊持楫渡頭波渺瀰尋源雲際夢模糊
黃筌妙手應惆悵只寫紅蕉水鶴圖

楊在之

簡筠村

見過

著我元龍百尺樓狂談能使鬼神愁關心利病三千載

放眼江山十二州

在之足跡
幾滿天下

早日鳳毛傳舊業近時龍

額有新侯千將夜夜風雲繞望氣何人問斗牛

雨止

夏雲無畱陰冉冉到北郭清風相招邀微雨止更作階
前梧桐樹響滴梧子落予生耽岑寂有若烟巖鶴側翅
入塵網一俗不可藥青山結舊夢高臥此足樂遠蟬噪
自急花氣薰初薄得意杳忘言虛籟發寥廓

楊在之轉和余白桃花詩見贈奉酬長句

雨滌虛堂暑氣殘吟筩拆處墨初乾名家王謝原無敵

體格錢劉自不刊作客經時忘鹿夢輸君一事索豬肝
桃花詩比桃源路不許重來只許看

題楊芝田前輩所跋沈文恪公手書冊子

芝田先生名大

鶴爲春園刺史曾祖所跋冊子舊藏李太守處
太守歸焉出而乞余詩爲紀其後太守名堂

名仁譽

我生學書書不工苦從碑版索顏柳譬如老蠹攻殘編
神仙之餐事亦偶清華公子人中龍新猷奕奕在羣口
畫堂餘興埽縑素雲濤湧几風送肘坐客方爭快雪書
先生謂沈寒具手華亭帖

沈文恪公名華亭人

尾示短跋筆法

從教窺世守銀鈎鐵畫九十字剛健婀娜無不有想當

清氣奪湖山

跋於西湖上

精神到腕腕付拇沓然一放天機

生太阿湛鏐珠離剖其餘筆札各殊絕

前尚有彭侍講宣求邵太史錫

榮各跋

足使華亭矜得友要知卓絕推盈川不愧盧前恥

王後湖州太守老好事綈錦相歸等瓊玖家乘新添寶
章集珍觀幸及牛馬走一時前輩森典型俗筆苦驕顏
自忖乞靈如不祕琅函簾前敢惜頻載酒

將往黃州

久客催華髮年年賦遠遊官貧仍落拓詩拙負窮愁花

事驚心過春風入酒柔平生志弧矢如此付扁舟

江夏畱召村所一日卽別

初春送汝草生芽今見江城柳作花獨立羽毛雲外迴
相看心緒暗中加同牽世事都如夢怕動鄉思莫問家
滴盡銅壺斜月墮明朝分手又天涯

召村以目疾斷酒歌以勸飲

我嘗學飲酒到鼻心已醉堦墀老瘦鶴舞態共軒輊於
旁君撫掌此事難爲弟請從壁上觀乃樹酒壇幟徐吞
魚吸波快醕鷹側翅渴愛春江清甜嫌上尊膩曠或讀

離騷狂能書草字羣言阮籍慎肯學灌夫肆而其塊磊
胸頻澆不可懣竭來一月別花事正嫵媚攢眉忽學我
麴部遜厥位流涎拚口脣愛惜到目眦君眸故炯然君
腸恐憔悴好客歐陽公謂芭洲師五斗月一致西山爽氣新
南樓風月異鶯聲旣催詩犀首復無事庶爲月攘謀稍
進示非棄眾醉忌獨醒予亦愛予季

早發武昌

旅客無安枕懸心問曉風稀微過斥埃浩蕩逐飛鴻水
氣蒸雲溼江聲浴月空多情官岸柳相送眼朦朧

大風阻青山

吾道常如此人何歎滯留大江聲自滿春野氣全浮尋
展因山近添維待水柔斜陽吹不落短鬢任颼颼

登青山

天與登臨便山裝峭蒨青江痕高嚙腹石足漱成形控
據聯都會荒涼立廟亭偶然儕過客莫問使臣星
濟勝吾何有攀蘿性亦能絕流拳翠嶂枯樹狀寒僧傍
崦村居聚排雲濁浪騰長風真九萬天意徙鯢鵬
俯仰成今昔風帆六度過幾年嗟白髮終古峙青螺洲

凸清江破春深溼霧多沿村農事急叱犢盡烟蓑
立鐵船憎險盤空客喜畱烟嵐封鄂渚山脈接黃州久
坐能溫石疑晴試聽鳩風濤雄可寫歸與綠琴謀

晚泊

去陽邏堡三里

行役偏耽野趣長岸花檣燕靜年芳雪消三峽來春水
人立孤舟看夕陽千點風鴉紛斷續一村烟樹隔微茫
武磯山下波濤急淘盡英雄說戰場

山在陽邏北爲黃祖屯兵處

雨泊三江口

晴江放溜亂春鷗著我南宮畫裏遊日漏一痕明極浦

潮喧四面弱輕舟船爭小港縱橫大雨集遙帆次第收
老眼名山相待甚計程看盡到黃州

獨遊安國寺

端居寡俗歡出郭愛新霽清江瀉秋影一碧到天際何
來招提鐘遠使藜杖曳香殘課僧散風定吟松細頽然
古時佛坐閱歲華逝來遊亦偶耳孤賞愜夙契遙遙千
載心碌碌一世計東坡不可作風流倘許替

同學諸子攜酒安國寺

湖山佳氣蔚清才選勝禪關特地開性僻愛探修竹徑

寒遲及泛荆花杯鐘分紅葉聲間出江翦黃州郭下來
蠟屐祇今還往熟支離瘦骨不須猜

春草名亭跡半荒及時作達任顏唐敲檐柏傲偏畱客
得地蕉肥也耐霜把酒持螯佳日足熏晴作雨嶺雲忙
山僧索試枯枰手不識爭先著久忘

與默上人奕

不事頭銜試酒官行廚絡繹勸加餐問奇槎欲探星渚
點筆風先掃石壇過雨桔槔空俛仰在山泉水愛清寒
遊蹤冷落詩情王不盡秋光跂脚看

江城如水月華流歸路翩然作夜遊畫角數聲思按劍

寒烟滿樹不遮樓清談細繹超超致白眼能禁寂寂秋
乞食近來心事嬾雲山壞衲莫相求

韓魏公讀書堂

相隱橋邊路風流不可攀大名存婦孺餘蹟重江山書
信公眞讀天哀我得頑行年三十過呼任馬牛間
十天下皆稱爲公予之年與公等彌自愧也

冬夜

短景初冬候高吟老客身閒多防過嬾清極得長貧露
咽蟲聲怯天低暮色勻酒酣聞鼓角豪氣爲嶙峋

同張幹

趙光徐璋

魏占

四生登赤壁

東風不送筍輿涼連襪平登二賦堂雲樹晴烘紛點染
江天秋老見清蒼人依斷墨尋文字山接遙青抱武昌
徑欲吹簫歌水調莫教身世感蒼茫

大士閣

僻寺客僧嬾斜陽待客過江從埤堦見風在竹林多佛
火殘香篆秋心老薜蘿孤亭能攬勝望遠奈愁何

出東門尋定惠院遺址

遼落空雲水蒼涼變古今花香隨酒散詩版隔江尋

長公

海棠詩石刻在武昌
西山九曲亭壁間
首立淒斷老夫心

衰草暮千里丹楓明一林長吟搔

羅太守旭莊先生招看西園桃花

同集者爲周觀察荆樂陳將軍

赤章程庶常抱璞陶太守芥亭顧黃岡虞一謝武昌西堂

弓刀罷遣漏初沈勝事西園底共尋客到幽聽禽鳥樂
花開春惜美人心六朝裙屐三生夢二月風光一片陰
徑欲龍眠圖雅集可無太白敘高吟

同陶芥亭太守沈龍山少府飲陳學博新齋

太守名國

幹黃岡人沈名詩陳名家駟

鑿池種竹得清幽，鎮日從容語笑留。
我分齋鹽甘似蜜，君今學舍大於舟。
近能狂酒毋多酌，少喜爲文不自休。
飲興未闌吾醉矣，還期二客賦重遊。

酬王又溪卽和見贈原韻

名如鑒甲
午副榜

夙負滄洲興，來探赤壁雄。
波濤全楚尾，歲月大江東。
舟爲尋山渡，門緣看竹通。
逢君傾倒甚，卓犖見門風。
列戟家無敵，藏書手自修。
避人偏好客，近市獨成幽。
花氣交風雜，江聲拍枕流。
紛紜蝴蝶夢，並不擾莊周。

何

信

李

北

地

矜

詩

格

天

才

賦

楚

狂

又溪爲稚欽先生裔稚
欽先生名廷陳宏正間

才子也 風雲雄變化哀怨託微茫規矩森前哲輕肥薄輩
行自來幽谷裏蘭蕙不辭香

閒真宜陋巷拙不索知音隔水招山到當風就竹深虹
流孤劍影春老倚樓心瓠落經年慣慚君望作霖
老圃荒親鑿春江靜可漁人過頻說鬼學廢漸忘書萬
物此中備一心之外疎更傳安樂法午枕北牕餘
聞君抱奇器思踏北風寒不叩馮驩缺應彈貢禹冠廟
堂求杞梓嗜好慎鹹酸稽古榮能卜家聲舊比桓

題喻石農讀書松桂間冊子

名文鑒
黃梅人

門開溪流清雨過蓮峰白

白蓮峰在黃梅

置君山水間讀書永

朝夕忍饑餐松花拾桂煮白石渺然千載心不受一塵隔何處聞空香秋林澹遙碧

寄酬段秀才厚齋

名永振廣濟人

兼訊劉秀才蔚沛蔚標

皆廣濟人

美人種瑤華采采隔煙水芬芳不肯息相望何時已昨者齊安城相狎彈綠綺冥心操古調不問箏琶耳蹇余性鈍拙入世俗所鄙老屋才如舟跼伏每窮暑打門來故人索帶不遑履掀髯成一笑鳴禽亦驚起新詩粲在

眼雅意重有指上言道統源伊洛溯根柢

河東書院有二程子祠蓋

因朱子二程子祠圯而改置者

下言風雅興清風散穠秕刻劃到無鹽

鞭策等騄駘豈知今許伯久閉楚人壘兩年受鴟嚇一
得媿颺技學海探蒼茫何者及涯涘跛羊登太山蒼蠅
致千里高遠雖偶期自問究安恃君今施粉黛我豈減
瘡痍聞君抱鄒軒卜築白雲裏竹樹風條條方塘波瀾
瀾江山鬱迴抱吟望曠清美故當等身書細寫雲藍紙
何日操扁舟一趁風力駛攜將太乙藜問訊卯金子
夜坐懷香岩家兄石泉三弟

逝水年華百感生
空庭風露正三更
離思入夜隨潮長
別院撩人又笛橫
幾處看雲搔首立
頻年畏月上弦明
詩腸酒債同消滅
苦被僮奴怪不情

孫男方

墀小岩

校字

增藻川

坪季平

秋水閣詩集卷四

雲夢許兆椿秋巖氏著
同邑程懷璟玉農參閱

古近體

題吳明府

森

雲衣石門山冊子

癸未進士
江西人

荆山揚鏐爭摩天欲斷不斷浮蒼煙千盤萬疊石門出
峭崖一坼流奔泉橫橋直架洞底壑漱瓊鳴玉聲濺濺
溪風吹翠溼欲滴老樹挂壁根空懸梯山鑿石盤鳥道
古藤百尺愁攀援茅檐一二負嶂立夜半駕鶴來飛仙

如何造物不自惜更於絕壁窮雕鐫懸青萬仞門呀然
一步一使心迴旋如鴉蝙蝠撲人面似乳石髓滑不堅
天風埽斷塵埃迹杳杳時有閒雲眠使君青眼了不負
亂山堆裏居三年拂衣一旦擲官去綠陰處處啼春鵲
祇畱山色在圖畫未妨羞澀囊無錢驅車京洛塵滾滾
興劇一放黃州船雪堂月好快把酒時客羅太江天萬
里清而妍此時披圖發長嘯石門之山落眼前要畱面
目對山色豈可歇馘供人憐我歌未已君忽笑此語未
足聞時賢置圖一鼓瀟湘絃衆山響答空中傳

壽陳文肅公夫人成太夫人七十

大中正雨亭先生時入觀同

任賜御書額如意藏佛等爲壽皆異數也

江山如畫鄂城開上相承歡耀八垓天上書從雙闕下
日邊人帶五雲來花圍黃閣鳴環珮霞蔚丹青溢壽杯
家慶國恩俱不淺看調元化總三台

韋杜城南尺五天舊時圖畫在甘泉慈暉廣覆春如海

玉漏初長日似年

誕辰在五月

雲外青鸞飛彩翼樓中黃鶴

下晴烟稱觥莫唱玲瓏曲甘首新詩萬口傳

中丞有紀恩述慎

詩二
十首

又代

慶雲紉縵麗江天
龍節飄揚到日邊
玉宇光流雲漢影
彩衣香舞御爐烟
九重三錫來千里
一品重封已卅年
盛事金鑾增筆札
中朝不數漢韋賢

翠屏黃閣玉爲觴
花外曛曛日正長
荔子生紅來百粵

仲君觀
察肇羅

咳蘭得氣馥三湘

長君開
府楚北

和羹舊助鹽梅鼎
勤

績今傳補袞方
試聽春風歌郢曲
鵲巢賦後奏甘棠

跋紀

愬述懷詩後奉贈陳雨亭大中丞

名輝祖
湖南那

陽人

衡湘千里鬱風烟名世期符五百年方召新猷光日月
韋平舊德在山川冰心久滌蘭臯雪元氣長培楚澤天
七載南維功不細莫誇畫錦耀青編

清時事事冠羣公半壁全紆宵旰衷太璞獨知和氏

璧花村不失楚人弓卷簾月照湘江外行部春生畫戟

中樾蔭久叨衣鉢遠心香端的是南豐

余座師任邱公
鎮洋公皆出文

肅公
門下

巍然公望有公才三十專城世早推四輔星連中執法
全藩風本大行臺得天喬木雲烟古披海神山日月開

江漢自來歌詠盛甘棠一什繼康哉

昨聞輯瑞上彤墀有喜天顏四海知每以遠猷辰

告切竟忘宮漏午牌遲大官賜疊朝歸後門下班聯

讌坐時率土臣心添感激近來額手誦新詩

錫類殊恩出尚方豐貂文綺雜琳瑯人驚奎宿移

東壁天送春風到北堂

御書額爲蘭
陔衍慶四字

青瑣話傳綸閣

事紅雲高捧墨池光懸知玉杖含飴外寶鼎蘭薰祝

聖皇

堂開五福

中丞公以御書福字五
敬懸此堂因名五福堂

奉潘輿八座貂蟬

問起居子舍爭翔阿閣鳳 君羹不膾武昌魚熏風吹

酒流霞釀長日催花度檻徐恰有南山

撫署之南名蛇山

能獻

壽

五月爲成太夫人七旬壽辰

遙青一桁拱

天書

珂馬朝

天雪點旌試燈風裏數歸程心籌民瘼千回

轉筆紀

恩光五色生有母自能成此子如公何者更

慚卿弓衣繡出旗亭唱此是昇平雅頌聲

承明謁

帝立螭頭一臥滄江歷幾秋媿我疎才殊北海聆君清
韻過南樓瑤池春滿三千界玉帳人趨二十州神化丹

青真不忝待銘鐘鼎和天球

又 代石泉弟

玉柱南天望斗標夔龍世業儼雲霄雙懸金印開黃閣

中丞公兼湖廣總督印者七年獨奉冰心答聖朝山繞百蠻田繡陌

江清千里靜春潮太和元氣滋培厚泥飲還徵杜老謠

登壇三十冠諸侯儀表中朝第一流按部歷過天下半

公歷任直隸河南安徽廣西湖南湖北論功直在古人求箕風畢雨從民

好知水仁山本性優一涖鄉州逾七載德門盛事話從

頭

羊城大府控蒼梧丞相臨邊禮數殊一自灘江移使節
又聞南海綰麟符棠陰新舊交加翠黍雨東西次第蘇
幾度門牆瞻紫氣傍階玉樹正春敷
中丞公以粵西節移鎮湖北觀察公今分巡肇羅皆文肅公兩廣總制舊部也

明光詔下謁天門啓沃頻叨異數恩投水石如膠漆

固干霄松少雪霜痕金壺玉食頒中使舟楫鹽梅奉

至尊攜得東風來北闕萬方一概被春溫
公歸鎮以二月

重申異命動羣官絡繹黃封夾道看宮綺霏香雲不

散銀河流影墨初乾榮親四字兼金重遇

主千秋一德難自此萱庭增淑景九天雨露植陔蘭
豈矜門第蓋江東致主丹誠一例同仗節化調無極外
推心恩體不言中江鄉櫻筍嘗新味畫閣榴花豔曉
風待著萊衣將進酒先隨鶴髮拜呼嵩

雲山韶濩奏新音萬口爭傳字字金千里星軺輕雨雪
十年蓉闕戀春陰瞻依語笑承歡日彌重經綸報國心
教孝教忠無二事不須周雅賦駸駸

陶鑄曾邀大匠知龍門近喜接旌麾康侯自古榮三錫
弟子何能贊一辭麟閣丹青當代重鸞臺鼎鉉百僚師

明年踏馬沙堤路敬補南陔再上詩

晚送喻石農之武昌

帆挂月初上江寒潮未生秋心將別思同到武昌城

贈楊上舍以淳

名之耀江夏人僑寓黃岡

頻年倚棹永安城青眼逢君特地明接座鬚眉消客氣
趨庭子弟愛書聲江山繞郭烟霞富茱菊登筵臭味清
我是五雲仙閣吏相將把臂說長生

畱別喻石農

秋柳無絲不綰塵蒲帆欲挂且逡巡年饑去住皆難策

別近雲山解戀人
歧路生歧諳世態
客中送客愴君神
相如信有淩雲賦
直北金臺氣象新
到處聞人說項斯
近來鎮日把新詩
論才信悔成名早
惜別重嫌識面遲
紅樹青山秋色淡
曉風殘月客愁知
子遊欲倦吾方始
兩地蒼茫有所思

贈別王又溪

秋老關河莽蒼中
開樽坐對素心同
清時出處容吾拙
別後愆尤少子攻
落葉走庭渾作雨
閒雲出岫又乘風
捲簾細把黃花嗅
莫放年來冷眼空

爲劉秀才

之鑒

題其尊人課孫賞橘二冊子遺照

滴露研朱事已非傳經肯使素心違
天池水暖春波濶大鳳相將小鳳飛

橘予年年碧吐芽從知秋實勝春華
試看楚頌亭前樹不比劉郎去後花

洛社衣冠是勝流丹青畫處迴含愁
夜來把筆沈吟下落葉西風大作秋

披卷依然見典型卻教風木感伶仃
越王臺畔傷心草春到西陵不肯青

贈顧虞一明府

明府新作洗墨池於衙齋池爲長公舊蹟

栽得甘棠已六年衙齋如水坐鳴絃
中朝卓行推黃霸江左人才是彥先
政事風流山水外文章月旦晉梁前
從知歌頌江城滿好採茗華一一鐫

莎廳闢地築三楹後樂兼存好古情
半壁秋聲栽竹得萬家春氣擁檐平
山將翠黛浮空入江到黃州徹底清
幾度徘徊樓下望真教百尺仰公名

峨嵋學士謫仙身洗墨清池不點塵
一自文濤空彩筆千秋韻事待斯人
峻嶒石蟲排雲勢淡泊心涵止水春

徑欲濡毫重刻壁廉泉應許易名新

鮒轍同叨愷澤深龍門況許接朝簪萬間久庇寒儒廈
五夜長存補過心花署新圖馳粉墨明堂重器屬璆琳
九霄霖雨蒼生願愧我難垂雅頌音

貞婢孤燕二首爲姜節母胡孺人賦

蓬生麻中不扶自直近朱者赤近墨黑君看凜凜千丈
松天遣春蘿附其側豈無膏沐光不足爲容飾豈無當
牕機縑素皆自織冰壺對影五十年心瑩清光成一色
吁嗟乎北宮之女嬰兒子徹瑱終身奉菽水白頭侍女

今如此其所由來者漸矣

節母侍婢遣嫁不可願
侍主人年逾五十矣

翩翩海上燕擇止棲君堂辛夷作棟芍藥房和鳴上下
聲鏘鏘一朝忽折雙飛翼梨花香冷春無色剩有哀音
訴此心曉角霜笳聽不得此心徹雲還徹泉此音清怨
年復年東風吹入九霄去遂使白日開天邊桐花細吐
孫枝秀雛鳳翩翩舞晴晝主人畫閣捲珠簾此是當時
燕來候

巢間孤燕獨棲者十餘年他
燕雙飛者不敢至人咸異之

題人春柳讀書圖

高柳參天綠蔭長春風曾見永豐坊何如茗椀薰鑪裏

錦暉攤書坐石牀

烏帽青箱樂事遲園林柳色遣供詩鶯飛草長鷗波碧

憶煞滄浪二月時

小滄浪予舊讀書處

題某明府照

萬柄蓮華百尺梧日長消受放衙初
梳翎老鶴臨流立不拾田田葉底魚

平山堂下文章伯歌管流傳八百年
爭似清芬生畫本冰壺心對水雲天

蘭茝芳流松桂林更無人渡板橋陰
纖塵不著薰風遠

獨坐誰知茂叔心

渤海東開內史封
脚靴手板許從容
何當燕寢清香地
玉井高瞻太華峰

人從山水國中來
攜得青蓮到處栽
莫漫高峰矜華嶽
遙應香海問蓬萊

壽李伯遠先生

玻璃江水遶峨岷
如此山川作主人
天奉耆齡香晚節
日看花樣逐時新
家無長物圖書古
政有餘閒草木春
爲報碧雞金馬使
休徵長頌得賢臣

論詩舊過賜萋堂心地長薰一瓣香間世清才存大雅
登壇高格鄙時妝記從薄笨車聯轡吟過滹沱月似霜
今日閩中山水勝新編定繼杜襄陽

燕吳宦迹澤隨車小別巴西十載餘珥筆好增循吏傳
採芹遙獻野人蔬年希洛社謨猷壯士到蘇門習氣除
信是壽身能壽世青城紫陌法何如

德門奕葉盛簪纓令子才華武庫清兩地笙歌歡綵服
一家福壽耀輦珩薰風入座蟠桃熟湛露濡毫鳳誥
榮萬祿千秋從此始年年雙進紫霞觥

李適園前輩賞番圖

少司空爲給諫巡察臺
灣賞衆番民圖作障子

海水浩淼春雲空浮槎上與銀灣通使君憂佩辭絳闕
坐使元氣調鴻濛我生宦遊不到海三山縹緲無由從
高堂怪底宿煙霧指點圖畫驚羣蒙長波卓立峰上峰
赤日萬里鎔紅銅懸針擊楫破決漭鯨奔鼇斂馮夷宮
兩礁白黑指鹿耳一髻蒼翠堆雞籠隱然絕島亦巨鎮
千載伏息同蛙蝻天開禹甸垂帡幪荷蘭朱鄭銷蠻訐
火山烟碧白晝煽冷社雪古堯時封一自樓船下滄海
長年龍嶠吹春風旬宣中外事非兩因時休息忘天工

週遭按部諭德意建麾仗節馳桓驄雕題黑齒詭結束
睢盱雜遝原倥侗廣庭拜賜羅舞躍似聞矯首鳴喁喁
卽今披圖想經畫已覺談笑無西戎明堂日麗天方中
螺舟鐵轄大小共好濡彩筆寫王會更追雅頌歌來同
輓張編修古山同年

聯步經年侍玉除無端鵬賦到蓬廬北堂虛負承歡志
東觀空畱未校書舊好一時傷衛玠遺文四海重相如
瀛洲亭子經過日鉛槧丹黃孰啓予
予與古山同校四庫書者二年
煙樹蕭蕭易水寒飄零丹旆出長安卽今春色綠愁減

伊古文章造命難作賦門庭傳綵筆書銘世俗薄儒官
向來流水高山調爲過雍門不肯彈

題洪大令

咸

悔翁丈蜀中所寄詩後

洪以安岳令
罷官辦餉不

得歸

行盡青天更上天飛芻轉粟白雲邊銷除一月郎官事
瘴雨蠻風過幾年

一曲鳴琴操未終忽教授筆賦從戎費他五柳先生巧
折盡腰肢總不工

吟身直到大荒西春草經年綠自齊且任非佳歸未得

滿山風雨鷓鴣啼

布襪襍鞋到處家看山興嬾更栽花殘杯冷炙須臾了

只許山僧喚喫茶

時洪丈寄所作
熙野僧傳

皇四子總裁武英殿齋宿殿側畱詩見示殿中纂修

諸人奉和應教

問安玉殿敬趨陪銀箭丁丁紫禁催臘盡春先雙闕
布雪消人傍五雲來心嚴裸享隆周禮品列楨相愧楚
材自此鑿坡添故事總持風雅有新裁

蘭臺地接九霄清盡日從容瑤珮迎竹簡曹分周柱史

麥光札給魯諸生 天家世德涵春雨雲際奎芒籠禁
城試看焚膏揮綵筆敢因風雨倦雞鳴

屈宋猶難授簡陪片雲何待晚時催千尋翠挹春松秀
萬仞青瞻太華來雅有箴銘優聖域卽沾膏馥足中才
碧紗珍重層層護直體天工代化裁

自泛銀槎入太清西山甲觀許將迎刻來楮葉三年謬
咽到芝香九竅生果飭分餘垂繡籠梅花吹出滿春城
幾回閣筆仍搔首知否寒蛩得意鳴

恭和

御製經筵畢文淵閣賜宴以四庫全書第一部告成度
閣內用幸翰林院例得近體四律首章卽疊去歲詩

元韻

講筵典向

文華舉祕閣春從

翠葆移甲乙丙丁收未富淵源津溯建難遲旁搜遂極

千秋盛借讀尤便五內私

前奉諭旨有云四庫所

讀中祕書卽大臣官員中嗜古勤學者並許翰林原許

赴閣觀覽仰見我皇上加惠儒臣昌明文教之至
奎壁光騰珠斗煥最欣生際

聖人期

書如淵海信叢哉久荷吾

皇作記來

御製文淵閣
記垂示至爲深遠

四庫十年頭分藏

重瞳一覽百行該芟蕪

特示觀人鑒

文集中如祈禳

青詞詩集中如香

埽葉真

慚讀史材懷果飲甘皆格外

旨皆撤出不錄
甘瓜珍果在節諸

賞賚陋他曲

宴柏梁陪

玉堂佳話記賡歌又

許詞臣侍大羅芸閣三層香不斷琅函四分盛如他文

章報國無多耳學士登瀛可比麼簪筆螭坳書令典恰

纔佳節過中和

是日爲二月二日

鈞天入聽畱仙奏湛露方盈報曉籌

申錫特隆三館上

內廷國史方略三通三館各書告成皆蒙皇上加恩議敘至

有之錫宴頒賞實爲希

曠典

編摩肯過六年不

現經總裁諸臣

奏定六年後

篇分永樂收殘闕目紀崇文訂謬悠從此

藝林濡雅化仰瞻

奎藻五雲畱

乾隆四十七年春二月二日

上御文華殿經筵畢

詔賜四庫館總裁以下

諸臣宴於

文淵閣

臣

兆椿忝司分校獲

與盛典是日五鼓預宴諸臣咸綵服列侍

閣下所司供張畢備平明

上至諸臣夾道跪迎仰窺

天顏穆然粹然如

雲如日

詔諸臣就坐

先日軍機大臣定宴圖總裁總閱各

大臣坐於閣中列侍

御座左右講官坐

於總裁後東上一等分校

提調總校諸臣坐

於各大臣下左右門外階上二等諸臣坐於

於

左右階下椿叨在一等坐次右階之上關杆

於

內閣門外於

賜茶

賜酒棬皆以和闐碧

御座為近

玉爲之承應內樂演十八學士登瀛洲故事

皇六子侑酒進觴

口勅諸臣能飲

者無算爵撤

御案金盤珍果分

賜諸

臣宴畢頒賞

臣兆椿

蒙

賚大緞二貂毫大

筆十管貢墨十笏歛羅紋研一玉鑲如意一

枝墨刻

幸翰林院詩帖一部次日謝

恩恭進和詩蒙

恩各賞宴一桌攜歸

私第伏惟

聖天子稽古右文跨越萬世

臣

以謏陋身沐

大雅之至化非常鉅典實始親逢其爲慶幸
有踰恒格因私識月日傳之於家俾示子孫
歌咏 聖德永永無極

飲李兵部雲樵齋同彭秋潭作

嫋嫋東風吹柳綠招尋夏日玉堂幽薇垣紅藥今難比
武庫青霜古莫儔豈敢論才當數子便須把酒想千秋
城南咫尺經過熟來與諸君共拍浮

落花飛絮最驂驪曾記都門送曉驂
憶去春程靜齋安
桂甫程觀民之別
也芳草平原憎別路桃花流水憶深潭
驚心故友成南

北彈指春光又二三莫向尊前悲老大諸君如此我何堪

朝回無事換春衫好友招邀酒共銜講德論成餘四子
談詩才欲盡三緘聽來燕市樓頭笛坐憶清江樹杪帆
遲爾城邊寒食路踏青隨意問春巖

酒酣落筆競鏘鏘此處諸君總不凡春色泥人皆駘蕩
世情於我別酸鹹柔風細柳低迎閣得氣嬌鶯漸出巖
如此風光宜共惜城頭莫問日西銜

題蔡岱峯小照

岱峯不相見者四年餘矣今以照寄都門索題輒書四十字以代訊

時中
秋後

小別亦云久披圖語欲真何時燈下酒共話眼前人煙
月清疎界風花浩蕩春怪君幽興極七十二峯身君居太湖之洞庭山

題呂介齋同年明府小照

一掉烟波滑笏平楊絲杏葉太春生黃泥坂下吹簫客
許否桃根打槳迎
五載長安踏軟紅披圖放眼水雲空桃花深處青溪曲
別有家山入夢中

使君西上古臨泉
蒙介空青接遠天
載得冰心琴鶴共
不須重問米家船
春服初裁試體宜
停橈坐愛夕陽遲
輕陰漸合垂楊定
正是溪雲欲上時

涪江周母節壽

貞松鬱鬱柏丸丸
雪虐風饕耐歲寒
天上恩光榮棹
楔人間正氣障波瀾
志能代養忘心苦
事到成終較死
難試酌涪江歌壽
母懷清高並玉峯
看

贈熊韜庵

酌酒當歌強共歡黃花冷淡老羞看梁鴻分不因人熱
范叔誰憐至此寒五夜青釭孤劍氣半生華鬢誤儒冠
琴臺我有高山調牢落西風不忍彈

題十三本梅花書屋圖代劉可亭爲壽王少林司

馬太夫人作

津門瀛海涵長空常見縹緲蓬萊宮春陽二月好天氣
黃中李蔭蟠桃紅中有梅樹十三本貴如棲鳳朝陽桐
仙人解種不敢惜鐵幹夜落書堂中暗香疎影具標格
松心竹箭相玲瓏延齡餐和處士菊表德樹等將軍馮

三槐手植古亦有此獨天授非人工雖遲鼎鼎調玉鉉
已冠百卉開春風卽今結子閱四世老樹新花矜歲歲
清陰分作召公棠楚北畿東爭蔭蔽下走郎官湖下人
竭來手板趨階塵攜將黃鶴樓西月照徹華堂綵服春
春光纔半春正好舞柳歌鶯繡春曉遏雲細奏子登璫
如瓜共採安期棗此時梅樹花正繁霏冰刻玉煙無痕
長年雨露沐天澤不比風雪依江村花底宮袍進春酒
四野躋堂歌壽母十三株樹萬萬花一花一歲爲增壽

題劉寄菴同年對牀鴻迹圖

名大紳
滇南人

十年行脚又長安風雨聯牀有二難紅葉滿階書滿屋

從人寫作畫圖看

寄菴以謁選至都偕其兄寓雲南郎舍朱淵亭編修額其所居曰對牀鴻

迹毛宿亭戶部因爲作圖而乞余輩題其後

萬里鴻飛到日邊肯謀梁稻乞人憐柳梢昨夜東風起

聽爾聲聲上碧天

紙閣蘆簾互主賓兩家兄弟作比鄰

余兄弟所居去寄菴居不百武無

端把卷增惆悵尙有天涯落拓人

謂家兄香巖

見說雲間陸士龍飛鳧東去白雲從

時寄菴將之山東新城任何當

更與毛生約

謂宿亭

畫我同登日觀峯

題人松陰翫鶴圖

清修如鶴靜如仙
滾滾紅塵物外天
養就丹砂潔毛羽
看他變化二千年

雁子鳬雛半畝塘
羣爭殘食到魚梁
松花滿徑霏清露
得讓仙禽自在嘗

殷地濤聲入夢醒
參天黛色對人青
棹歌漸過泖湖去
爲訪渠伊放鶴亭

出門

宦清貧自足道遠冬猶難
今非王事程何乃犯嚴寒
我

心方惻惻我淚先洟瀾有喪不能歸寢食焉能安爲兄
旣覲顏撫孤尤摧肝勉旃出下策乞食齊魯間病軀不
自惜何敢戀微官回頭語老妻猶子慎相看暮食毋使
飽朝衣毋使單我行非永久不必勸加餐驅車辭國門
日落風沙乾嗷嗷北雁鳴相次排雲端哀哀雙鳳凰一
旦飛孤翰明發不成寐中夜起長歎

二十五日宿二十里舖夢石泉弟

客恨非行役殘魂夜自驚原知吾亦夢失喜爾如生道
遠歸何早

夢與弟在雲
夢故居相語

傷心睡不成僕夫問前路鴻雁

正哀鳴

過萬小莊與同人小集

急雨連朝陷髀泥相逢不惜倒玻璃
當筵豪氣無程李出世風流愛阮嵇
槐卓午陰重碧合月窺虛牖晚涼齊
歡場酒興年年在只怕傾君百甕齋

幔卷高軒夏日長圍棋作畫任徜徉
風驅殘暑剛新霽人戀窮交况異鄉
事到中年多感慨語因小醉恕荒唐
劇憐子敬琴聲寂冷落當前鬪酒場
小莊與石泉弟交
至篤石泉下世今
半年許矣
故感念之

李孝廉韋坡見和前韻奉酬

鴻爪天涯聚雪泥清才見爾朗玻瓈偶然行藥閒攜陸

陸魯望詩偶然行藥到前村自笑居官懶甚稽脫手詩吟鳴玉脰驚

秋蟲聽上階齊吳船不至新酤貴得醉休誇醒酒齎

寶劍干霄入夜長依人聊復得常伴寫懷落落風雲氣

夢遠依依荀蕝鄉不信黃金縻樂毅莫愁白首老馮唐

招尋更結迎涼社與鬪尊前見在場

香巖先生示和前韻再疊韻奉呈

過眼春華絮著泥禪心如水湛玻瓈對牀虛約悲成佛

千里相思忽訪嵇

兄以石泉之故於甲辰除日抵都門

冰雪柴車青鬢短

風花夢渚碧雲齊言歸擬脫朝衫去大芋堪羹菊可齋

衝泥索醉畏途長小住爲佳且彷徨

从伴舊雨談心忘作

客秋風感鬢漸思鄉遠愁歲早占箕畢近讀詩工跨晉

唐七載萍分今偶合敢辭跌宕少年場

韋坡疊和前韻見答三疊韻報之

剝啄頻驚屐齒泥詩筒珍重百玻瓈偶儕馬磨慚推許

來詩云汝南人鏡

散玻瓈故有此句豈有雞羣不識嵇閱歷艱難堅氣骨

文章迂怪薄燕齊先憂後樂相期在啜粥何嫌日斷齋

昨訪談經馬季長，雖無絲管也相佯。
小栽竹蔭畱清氣，大遠車聲穩睡鄉。
待月秋陰須耐冷，看花世眼乃稱唐。
豐臺花匠以人力致花先時開
盆盎中者曰唐花每不耐久
我今無用難爲用，只要心空選佛場。

韋坡三致和詩四疊韻奉答

活計無多蚓食泥，枯瓢不挂酌玻瓈。
嘲飢死聽人嗤朔，論養生今我學嵇潞。
水秋思吳櫂穩，時方謀歸舟塞天雲障。
楚山齊憑君七發，幽憂起徑可欽遲。
把蟹齋野鶴沙鳬短，長天然飛啄各常佯。
隨人足捷終無路。

學佛心安自有鄉秋作風雲森詒蕩老憐情緒近顏唐

多君兄弟聯珠盛謂雲樵鄭重清時竹帛場

萬小莊見投和章五疊韻奉寄並柬李雲樵職方

驪頷探珠乍出泥明生老眼徹玻瓈勝流把臂真提萬

借用世說攀安提萬語絕調知音孰賞嵇放手搏沙驚又散撚鬚

擊鉢快能齊枯腸芒角須澆酒莫便懲羹怯冷齏小莊是日

飲酒酣云欲戒酒

興高飛卷白波長偷擲窮忙此彷徨職方職方又窮又忙諺語也冠

蓋會艱文字飲芷蘭馥聚楚人鄉料應風月思元度聞

說雲煙學李唐

雲樵近始作畫

若使無言矜解悟恐如天女散

花場

雲樵亦有和詩連趣不出故戲督之

七月十五日奠石泉酒

去歲東城同策騎今年古寺獨焚香
三生兄弟緣重結千里關河路正長
如此人才天太靳回思門戶我何望
西風老淚添多少兩鬢青青日夜蒼

讌集李雲樵雪鴻書屋雲樵出示所作和韻四詩

余悔前戲言之遽也六疊韻奉謝畱示小莊

雲樵

詩有花如秋氣宜清曉酒似人情戀故鄉二語最佳

麴米春開瓦甕泥，華燈四壁照玻瓈。
登龍此日羣趨李，題鳳何人敢目嵇。
隔院歌風分樹出，過城山翠撲檐齊。
日來腹負先生甚，竟別荒廚送老齋。

爛漫新吟把卷長，此才天下可徜徉。

徜徉天下出史記

秋鷹脫

臂爭盤翮野，蟻爭槐別有鄉。
三舍軍迴思避楚，一韓氣

盛足鳴唐不知北郭騎驢客，乞食何從問道場。

小莊是日入城

不至

七疊韻答李書臺

塵海茫茫易汨泥，春冰履處怯玻瓈。
養成神駿徒憐遁，

送盡飛鴻只有嵇學戒空花虛不著過如落葉歸難齊
素餐又益朝來媿破費園官菜作齋

趙北巴西路許長曾勞遊屐肆相徉

書臺遊蜀後入都

飛騰自

鍊閒中骨淡泊能銷客裏鄉投筆何時封定遠約車行
且相張唐我言雖拙猶堪記莫負年來寂寞場

雨不止寄柬韋坡

官閒兀坐動兼旬好友難招悵隔鄰秋淺雨多昏似夢
日長風更軟於人鄉園米貴居愁旱巷陌泥深出柅輪
作劇天公知有意要將要路總迷津

答左砥峯八疊元韻

醉墨連朝汚粉泥羣公五色燦玻瓈雙柑砭俗如隨戴
長嘯生風又聽嵇蝦菜五湖歸有約熊魚兩美好難齊
祇餘文字三生債消遣官齋糲飯齏

下值相從晤對長舊時遊釣憶徜徉秋聲醒客無多夢
明月依人共一鄉鬪巧漫誇成楮葉採芬莫惜過蘭唐
生平放眼論千古袞袞時賢任擅場

李韋坡晚過小飲成詩和韻奉酬

世外招攜約屢虛開門一笑晚涼餘泌人清氣秋庭得

選坐花陰好月居隨意壺尊安宦薄知心情話問歸徐
重過正及詩新就看竹無煩待報書

答萬秋田九疊原韻

冰雪襟懷不玷泥光明妙相現玻瓈行無歧路盡窮阮
秀擢清流獨羨嵇老樹秋嫌風作勢寒花香到菊難齊
金丹九轉成初熟齒冷人間玉膾齏

秋田詩
最後出

斫地高歌逸氣長五陵裘馬笑彷徨月槎星渚天邊路
蕉鹿醺雞夢外鄉紫海鯤鵬紛變化黃埃磬玉識旁唐
愁余闌入霓裳隊轉步竿頭窘出場